

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Nusret Selimović, (u daljem tekstu: Ugovorni organ)

I

daniel'S d.o.o Tešanj, Trg žrtava 3. augusta 1, ID broj: 4218412690001 koga zastupa direktor Haris Sejdić (u daljem tekstu: Dobavljač)

zaključili su:

**UGOVOR O NABAVCI POLICIJSKE OPREME
LOT 2 – MOTOCIKLISTIČKE UNIFORME**

Član 1.

Predmet ovog ugovora je nabavka policijske opreme, za potrebe Uprave policije Ministarstva unutrašnjih poslova Kantona Sarajevo, i to:

- LOT 2 – motociklističke uniforme - 2 kompleta (motociklističko dvodijelno odijelo, motociklističke čizme, motociklistička kaciga, rukavice - univerzalne)

Nabavka je izvršena putem otvorenog postupka, na osnovu Odluke broj 02-11-4-2466-9 od 16.09.2020. godine.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: IP/550/20 od 02.10.2020. godine i na osnovu koje je, zajedno sa elementima iz tenderske dokumentacije i sačinjen ovaj ugovor.

Ponuda Dobavljača broj IP/550/20 od 02.10.2020 je sastavni dio ovog ugovora.

Član 3.

Ukupna vrijednost ovog ugovora za predmetnu nabavku, sa uključenim PDV-om iznosi

- LOT 2 – motociklističke uniforme 2.995,00
(dviijehiljadedevetstotinadevedesetpet i 00/100) KM

Cijena i ostali elementi ovog ugovora se ne mogu mijenjati.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 5.

Dobavljač se obavezuje da će robu iz člana 1. ovog ugovora isporučiti najkasnije u roku od 60 (šezdeset) dana od dana stupanja na snagu ovog ugovora, na adresu Ugovornog organa, Magacin Rakovica, 71 000 Sarajevo.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog ugovora.

Kašnjenje u realizaciji ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog ugovora.

Član 6.

Prilikom primopredaje izvršit će se pregled predmetne opreme radi evidentiranja mogućih vidljivih nedostataka na istoj, da li isporučena oprema je u skladu sa ponudom iz člana 2. ovog ugovora.

O izvršenoj primopredaji će se sačiniti zapisnik.

Isporuka će se smatrati urednom tek kada u zapisniku bude konstatovano da je primopredaja izvršena bez primjedbi.

Član 7.

Plaćanje za isporučenu opremu će se vršiti u roku od 30 (trideset) dana od dana uredne isporuke robe (bez primjedbe) i dostavljanja pojedinačne fakture, na tekući račun Dobavljača broj: 140 501 000 565 1732 otvoren kod SBERBANK BH d.d..

Član 8.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 2. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 9.

Garancija Dobavljača na isporučenu opremu iznosi za:

- Motociklističko dvodijelno odijelo (jakna i pantalone) – 4 godine
- Motociklističke čizme – 2 godine
- Motociklistička kaciga – 3 godine
- Rukavice univerzalne – 3 godine

i počinje da vrijedi od datuma isporuke opreme.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 10.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 11.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 12.

Svaka od Ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

Član 13.

Ovaj ugovor je zaključen, kada isti potpišu obje ugovorne strane i traje do izmirenja dužničko-povjerilačkih odnosa.

Član 14.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
daniel'S d.o.o. Tešanj



direktor
Haris Sejdić

UGOVORNI ORGAN
MUP KANTONA SARAJEVO
UPRAVA POLICIJE



POLICIJSKI KOMESAR
Generalni inspektor policije
Nusret Selimović

Broj : 001/208/20
Datum: 23. 11. 2020.

Broj : 02-11-4-2466-16/20
Datum: 30.10.2020. godine